



KP/KPPM/6 Jld.2 (**23**)
Tarikh: **30** Ogos 2016

Semua Ketua Bahagian
Semua Pengarah Pendidikan Negeri

YBhg. Datuk/Datin/Tuan/Puan,

**SURAT PEKELILING IKHTISAS KEMENTERIAN PENDIDIKAN MALAYSIA
BILANGAN 6 TAHUN 2016**

CUTI PADA HARI-HARI PEPERIKSAAN AWAM / PENTAKSIRAN PUSAT

TUJUAN

1. Surat Pekeliling Ikhtisas (SPI) ini dikeluarkan bagi tujuan memaklumkan cuti bergilir yang boleh dilaksanakan oleh sekolah pada hari peperiksaan awam/pentaksiran pusat.

LATAR BELAKANG

2. Hari persekolahan di Malaysia adalah berdasarkan Peraturan-Peraturan Pendidikan (Penggala, Hari dan Cuti Sekolah) 1998. Di dalam peraturan ini dinyatakan secara jelas perkara yang berkaitan hari dan cuti persekolahan.

3. Walau bagaimanapun terdapat guru besar atau pengetua sekolah yang telah memberikan cuti kepada murid pada hari tertentu semasa peperiksaan awam/pentaksiran pusat dijalankan. Contohnya pada masa Ujian Penilaian Sekolah Rendah (UPSR) dijalankan, murid-murid yang tidak terlibat telah diberikan cuti oleh Guru Besar di sepanjang tempoh penilaian dijalankan.

4. Demikian juga di peringkat menengah terdapat sebilangan Pengetua yang telah memberikan cuti kepada murid yang tidak terlibat dengan peperiksaan

awam/pentaksiran pusat. Dalam hal ini Pengetua telah membenarkan murid diberi cuti secara bergilir di sepanjang tempoh peperiksaan awam/pentaksiran pusat tersebut dijalankan.

5. Berdasarkan maklum balas daripada pihak Guru Besar mahupun Pengetua, murid diberi cuti pada hari berkaitan berdasarkan faktor berikut:

- i. Bagi sekolah yang tidak mempunyai dewan, kelas-kelas digunakan untuk kegunaan peperiksaan awam/pentaksiran pusat;
- ii. Membolehkan peperiksaan dijalankan dengan tenang tanpa gangguan daripada murid lain yang tidak menduduki peperiksaan awam/pentaksiran pusat tersebut; dan
- iii. Ramai guru diperlukan untuk mengawas peperiksaan awam/pentaksiran pusat di sekolah lain.

PELAKSANAAN

6. KPM melalui Surat Pekeliling Ikhtisas Bilangan 5/1990, bertarikh 23 Ogos 1990 telah membenarkan cuti bergilir pada hari peperiksaan kepada murid yang tidak terlibat dengan peperiksaan tersebut. Walau bagaimanapun SPI tersebut hanya meliputi Peperiksaan Sijil Rendah Pelajaran (SRP) sahaja.

7. Berdasarkan faktor yang dinyatakan dalam perenggan 5, KPM berpandangan terdapat keperluan untuk pihak sekolah melaksanakan cuti secara bergilir. Sehubungan itu SPI ini hendaklah difahami seperti berikut:

- i. Hari-hari peperiksaan awam/pentaksiran pusat hendaklah dianggap sebagai hari persekolahan;
- ii. Murid selain daripada mereka yang menduduki peperiksaan awam/pentaksiran pusat, boleh dicutikan pada hari-hari peperiksaan awam/pentaksiran pusat dijalankan secara bergilir mengikut kelas atau Tahun/Tingkatan;

- iii. Bilangan kehadiran bagi murid yang dicutikan tidak diambil kira sebagai hari persekolahan murid tersebut.

TARIKH KUAT KUASA

8. Surat pekeliling ikhtisas ini berkuat kuasa pada tarikh surat pekeliling ini dikeluarkan.

PEMANSUHAN


9. Dengan berkuatkuasanya surat pekeliling ini, maka Surat Pekeliling Ikhtisas Bilangan 5/1990: Cuti Pada Hari-hari Peperiksaan Sijil Rendah Pelajaran (SRP) adalah dibatalkan.

TANGGUNGJAWAB KETUA JABATAN

10. YBhg. Datuk/Datin/Tuan/Puan dimohon mengambil tindakan memaklumkan kandungan surat pekeliling ikhtisas ini kepada pegawai yang bertanggungjawab di Bahagian KPM, Jabatan Pendidikan Negeri, Pejabat Pendidikan Daerah, Pengetua dan Guru Besar di bawah pentadbiran YBhg. Datuk/Datin/tuan/puan.

Sekian. Terima kasih.

“BERKHIDMAT UNTUK NEGARA”



(TAN SRI DR. KHAIR BIN MOHAMAD YUSOF)
Ketua Pendaftar Institusi Pendidikan dan Guru
merangkap Ketua Pengarah Pelajaran Malaysia

s.k.:

1. YB Menteri Pendidikan Malaysia
2. YB Timbalan Menteri Pendidikan Malaysia I
3. YB Timbalan Menteri Pendidikan Malaysia II
4. Ketua Setiausaha
Kementerian Pendidikan Malaysia
5. Timbalan-Timbalan Ketua Setiausaha
Kementerian Pendidikan Malaysia
6. Timbalan-Timbalan Ketua Pengarah Pelajaran Malaysia
Kementerian Pendidikan Malaysia
7. Rektor
Institut Pendidikan Guru Malaysia
8. Ketua Nazir
Jemaah Nazir dan Jaminan Kualiti
9. Penasihat Undang-Undang
Kementerian Pendidikan Malaysia
10. Pegawai Perhubungan Awam
Kementerian Pendidikan Malaysia

Contoh Pengiraan Kehadiran Murid

Jumlah hari persekolahan	190 hari
Bilangan hari murid dicutikan kerana Peperiksaan Awam/Pentaksiran Pusat	2 hari
Jumlah hari persekolahan bagi murid dicutikan kerana Peperiksaan Awam/Pentaksiran Pusat	190 – 2 = 188 hari
Kehadiran murid* bagi murid dicutikan (sekiranya hadir penuh)	188/188

- * Kehadiran murid dalam buku kedatangan ditanda sebagai cuti bergilir.
- * Dalam e-kehadiran bagi murid yang dicutikan, **tidak perlu ditanda** hadir atau tidak hadir (Tidak perlu dikemas kini bagi hari cuti berganti tersebut).